

<><><><><><>

Headlines

1. प्रधानमंत्री नरेन्द्र मोदी होर कल वीडियो कांफ्रेंस दे राएं बक्ख-बक्ख सरकारी मैहकमें ते संगठनें च नमें भर्थी नौजवानें गी 51 ज्हार शा मते नियुक्ति पत्तर बंडडडन।
2. राष्ट्री सुरक्षा सलाहकार अजीत डोभाल होरें आखेआ ऐ जे आपरेशन सिंदूर दे दरान स्वदेशी तकनीक नै 28एं मिंटे च 9 ठिकानें गी निशाना बनाने च मदाद कीती।
3. राज्य जांच एजेंसी – एसआईए नै आतंकवादी गतिविधिं लेई रपेआ-पैसा उपलब्ध करोआने कन्नै जुड़े दे मामले तैहत जम्मू डोडा ते हंदवाड़ा च त्रै संदिग्ध थाहरें पर छापे मारे न।
4. जम्मू-कश्मीर सरकारै, प्रदेश दी आई.टी नीति 2020 दे मूजब प्रदेश च आईटी ते आईटी.ईएस पार्क खड़ेरने लेई मॉडलें दा पतालाने गितै ब्यौरेवार शोध दा कम्म रम्मेआ ऐ।
5. जम्मू-कश्मीर पुलसै, आतंकवाद दी मारै हेठ आए दे लोकें दी मदाद लेई रजौरी आहले पुलस कन्ट्रोल रूम च इक बशेश सैल कायम कीता ऐ।

<><><><><><>

PM-Rozgar Mela

प्रधानमंत्री नरेन्द्र मोदी होर कल वीडियो कांफ्रेंसिंग राएं नमें भर्थी कीते गेदे नोजवानें गी 51 ज्हार शा मते नियुक्ति पत्र सौंपगन। इनें नोजवानें दी मती बक्ख-बक्ख सरकारी मैहकमे ते संगठने च कीती गेदी ऐ। इस मौके पर प्रधानमंत्री होरें भर्थिएं गी संबोधत बी करगन। एह रोजगार मेला मुख्य भरै दे 47 थाहरें पर आयोजित कीता जाग। नमीं भर्थी लेई मुख्य भरै थमां चुने गेदे लोक बक्ख-बक्ख मंत्रालय जियां जे गृहमंत्रालय, सेहत ते परोआर कल्याण मंत्रालय, श्रम ते रोजगार मंत्रालय ते डाक विभाग शामिल न। मुख्य भरै च रोजगार मेले राएं हुनै तोड़ी 10 लक्ख शा मते नियुक्ति पत्र जारी कीते गेदे न।

<><><><><><>

Doval Op Sindoor

राष्ट्रीय सुरक्षा सलाहकार अजीत डोभाल होरें आखेआ जे ऑपरेशन सिंदूर दरान भारत नै स्वदेशी तकनीकें दा गै इस्तेमाल करदे होई छड़े 28एं मिंटे च पाकिस्तान च स्थित आतंकवादिएं दे अड्डे गी नेस्तनाबूद करी दित्ता। यूटी मद्रास दे 62में दीक्षांत समारोह च अपने संबोधन दरान डोभाल होरें आखेआ जे ऑपरेशन सिंदूर दरान भारतीय फौज कश ब्रम्होस, एकीकृत वायु कमान प्रणाली ते रडार जनेही अत्याधुनिक प्रौद्योगिकी ही। उनें आखेआ जे नेहा ज्हारां ब'रे च कुतै इक बारी हुंदा ऐ ते देसे दे नोजवानें गी एहदे बारे जानना लोडचदा। उनें विद्यार्थिएं गी आर्टिफिशल इंटेलिजेंस ते क्वांटम कम्प्यूटिंग जनेह संसाधने राएं नमीं तकनीक दा निर्माण करियै देसे गी 2047 तगर विकसित राष्ट्र बनाने दा आग्रह कीता।

<><><><><><>

SIA Raids

राज्य जांच एजेंसी एसआईए नै आतंकवादी गतिविधिं लेई रपेआ-पैसा उपलब्ध करोआने कन्नै जुड़े दे इक मामले च जम्मू डोडा ते हंदवाड़ा च त्रै संदिग्ध थाहरें पर छापे मारे न। जारी इक ब्याना मूजब इस कारवाई दा मकसद क्रिप्टोकरसी दे राएं बन्ने पारा थमां आतंकी गतिविधिं लेई रपेआ-पैसा उपलब्ध करोआने दी साजश दा पर्दाफाश करना ऐ तां जे जम्मू कश्मीर च आतंकवाद ते अस्थिरता पैदा करने दे भैड़े मंसूबें गी नाकाम कीता जाई सकै। ब्यान च इब्बी आखेआ गेआ ऐ जे छापेमारी आली इस कारवाई दा मकसद ओकड़े तत्वे दी शिनाख्त करना ऐ जेहड़े नौजवानें गी गुमराह करियै राष्ट्री सुरक्षा लेई खतरा पैदा करना चांहदे न। इस कारवाई दरान जब्त कीते गेदे दस्तावेजे ते इलैक्ट्रानिक उपकरणे कन्नै मेद ऐ जे

एस.आई.ए. गी राष्ट्र बरोधी गतिविधिएं च मलव्वस लोकें ते उं'दे साथिं दी शिनाख्त करने ते उं'दी धर—फगड़ करने च खरी मती मदाद हासल होग।

<><><><><><>

ST-Students Scholarship

जनजातीय मामलें दे मैहकमे आसेआ शिक्षा गी बढ़ावा देने दे मकसद कन्नै 2 जहार 308 जनजातीय विद्यार्थिं च 4 करोड़ 70 लक्ख रपे बतौर मुआवजा बंडे गे। जनजातीय मामलें दे मंत्री जावेद राणा होरें हिदायत कीती जे जनजातीय मामलें सरबंधी मैहकमे दी पुज्ज गी बदाने ते लाभार्थिं गी लाह पजाने दे मकसद कन्नै सब्बन सरबंधी लोकें गी एहदे च शामिल कीता जाना लोड़चदा। इस जत्न दा मकसद जनजातीय समुदाय दे युवाएं च शिक्षा दा बादा कवस्तार करने, शिक्षा तगर उंदी पुज्ज बदाने ते समर्थ निर्माण च बादा करना ऐ। सरकार लगातार इस भेठा ध्यान देआ'रदी ऐ जे हाशिए पर रौहने आहले समुदाय दे विद्यार्थिं पर मता ध्यान दित्ता जा ते उनेंगी इनें स्कीमें दे लाह हासिल होन ते खित्ते च पूरा पराता विकास ते बरोबर दे मौके उपलब्ध होन।

<><><><><><>

CRPEP Kishtwar (byte)

किश्तवाड़ दे असिस्टेंट कमिशनर डेवेलपमेंट यानि ए.सी.सी कैसर अहमद भवानी होरें भारती स्टेट बैंक दे ग्रामीण स्वरोजगार सिखलाई संस्थान किश्तवाड़ च सामुदायिक रिसोर्स पर्सन लेई 32एं दिनें दे सिखलाई कार्यक्रम दा उद्घाटन कीता। राष्ट्री ग्रामीण आजीविका मिशन दे सैह्योग कन्नै लोआए गेदे इस कार्यक्रमै दा मकसद ग्रामीण नौजवानें, खास तौर पर महिलाएं गी उद्यम—कारखानादारी दे राहें सशक्त बनाना ऐ। एसीडी होरें इस पैहल दी सराहना करदे होई प्रतिभागिं गी हर मुमकन सैह्योग दा जकीन दोआया ते उं'नें आखेआ जे ओह पूरे आत्मविश्वास दे कन्नै उद्यम—कारखानादारी मतल्लक अपनी जात्तरा गी शुरू करन। इस सरबंधै च होर जानकारी सांझी करदे होई ट्रेनर शेफाली डोगरा होरें आखेआ

<><><><><><>

Bal Puskar

भारत सरकार नै प्रधानमंत्री राष्ट्री बाल पुरस्कार 2025 आस्तै नामांकन मग्गे न। एह पुरस्कार 6 कोला 8एं ब'रे दी बरेसु दे न्याणे गी दित्ता जाने आला सर्वोच्च नागरिक सम्मान ऐ। जेकी तुस बहादुरी, समाज सेवा, वातावरण, खेड़ड, कला ते संस्कृति जां विज्ञान ते प्रौद्योगिकी जनेह खेत्तरें च उपलब्धि हासल करने आले कुसै युग दे बारे जानदे ओ, तां मेहरवानी करिये उनेंगी हुन बी नामत करो। नामांकन जमा करने आस्तै 31 जुलाई 2025 दी समें सीमा गी शा पैहले awards.gov.in पर जाओ।

<><><><><><>

JK IT Parks

जम्मू—कश्मीर सरकार नै जेएण्डके आई.टी नीति 2020 दे तैहत पूरे केंद्र शासित प्रदेश च आई.टी, आई.टीज़ पार्क बनाने लेई इक अध्ययन शुरू कीता ऐ। सूचना प्रौद्योगिकी सचिव डॉ. पीयूष सिंगला होरें इक उच्चे स्तर दी बैठक लाइयै, जेदे च जम्मू—कश्मीर ई—गर्वनेंस एजेंसी, आई.टाई.टी जम्मू, आई.आई.एम जम्मू ते होर सरबंधी अधिकारी शामिल होए। इस बैठक च उनें भारत दे शोर्ष आई.टी हब जियां इलेक्ट्रानिक सिटी (कर्नाटका), आई—टेक सिटी (तेलंगाना), टी—हब हैदराबाद, टेक्नोपार्क त्रिवंदरम ते आई.आई.टी मदरास रिसर्च पार्क च कीती जाने आहिलयें सब्बन शा बेहतरीन पहलकदमिं बारै गल्लबात कीती। इस पहलकदमी लेई इक स्टडी ग्रुप बनाया गेआ जेड़ा फील्ड जुड़ने पर अध्ययन करोग। डॉ. सिंगला होरें आखेआ जे इस पहलकदमी कन्नै नवाचार बदोग, जेदे कन्नै निवेश होग। रोजगार दे मौके बध्दन ते जम्मू—कश्मीर बी डिजिटल क्षेत्र च अगुवाह बनोग।

<><><><><><>

Special Cell Rajouri

आतंकवाद करी पीड़ित लोकें गी मदद उपलब्ध करोआने दे जतन तैहत राजौरी पुलस नै पीसीआर राजौरी च इक खास सीगा कायम कीता ऐ। इसदा मकसद समेंसिर राहत सहायता उनें व्यक्तिएं जां परोआरें गी उपलब्ध करोआना ऐ जेड़े आतंकवाद सरबन्धी घटनाएं करी प्रभावित होए दे न। स्टाड़े संवाददाता मूजब पीड़ित लोक हेल्पलाइन नंबर 01962-262515 जां 9103996005 पर राबता करी सकदे न। इस पैहलकदमी दा मकसद ऐ आतंकवाद दे मारे हेठ लोकें दे बेहतरी आनने आस्तै अगगे आइयै उनेंगी मदाद देना ऐ इस बारे साढ़े जिला संवाददाता दी एह रिपाट...

<><><><><><>

CS Mining Department

मुख्य सचिव अटल डुल्लु होरें श्रीनगर च लाई गोदी इक बैठका दे दरान धरत विज्ञान ते खान्नें सरबन्धी मैहकमे दे कम्मे-कार्रवाइएं ते भविष्य दिएं रणनीतिएं दी व्यापक समीक्षा कीती। गल्लबात दे दरान मुख्य सचिव होरें केन्द्र शासित प्रदेश च गैर-कानूनी तौर पर खान्नां कड़डने पर रोक लाने लेई तकनीकें दे इस्तेमाल दी जरूरत पर जोर पाया। उनें सरबन्धत विभाग गी आखेआ जे ओह होरनें राज्यें ते केन्द्र शासित प्रदेशें आसेआ अपनाई जा'रदी बेहतरीन रणनीतिएं बारे जानकारी हासल करियै उनेंगी इत्थे लागू करोआना जकीनी बनान तांजे प्रदेश च बी खान्नें सरबन्धी सैक्टर थमां महत्वपूर्ण राजस्व कठेरने च मदाद हासल होऐ। खान्नें सरबन्धी मैहकमे दे प्रधान सचिव अनिल कुमार सिंह होरें बैठक दरान दस्सेआ जे उ'दे मैहकमे नै मजूदा माली ब'रे लेई 500 करोड़ रुपें दे राजस्व दा लक्ष्य मित्थे दा ऐ जेहड़ा पिछले माली ब'रे हासल कीते गोदे 150 करोड़ रुपें दे राजस्व थमां बढ़ा बद्ध ऐ।

<><><><><><>

Papulation Day

अज्ज विश्व आबादी दिवस ऐ। एह ध्याड़ा हर ब'रे जुलाई म्हीने दी 11 तरीक गी बधा'रदी आबादी दी चुनौतिएं पर ध्यान केन्द्रित करने लेई मनाया जंदा ऐ। एहदा मकसद आबादी सरबन्धी मुद्दें ते पर्यावरण ते विकास कम्में मुत्तलक मुद्दें बारे जागरूकता पैदा करना ऐ। इस ब'रे दा विशेषार ऐ-माँ ते बच्चे दी सेहत ते कल्याण लेई गर्भावस्था दा स्वस्थ समां ते अंतराल। इस विशेषार च इस मौके पर केन्द्रीय सेहत मंत्री जे.पी.नड्डा होरें ई सोशल मीडियो पोस्ट च आखेआ जे एह ध्याड़ा जागरूकता सरबन्धी चुनौतिएं दा लबेड़ा करने च भारत दे धेइयै गी नमां रूप इने दा मंच उपलब्ध करोआंदा ऐ।

<><><><><><>

JKLA-ENV

जम्मू-कश्मीर विधानसभा दी पर्यावरण सरबन्धी कमेटी दी बैठक अध्यक्ष मोहम्मद युसुफ तारीगामी हुंदी अध्यक्षता च लगगी। इस दौरान पर्यावरण सरबन्धी बददी चैंताएं पर डूंगी चिंता जाहिर कीती गई ते इस भेठा सभ्बनें दे सांझे जत्नें दा आहवान बी कीता गेआ। एहदे च विधायकें ते सरबन्धी नागरिकें दे समूहें हिस्सा लैता। तारीगामी होरें जोर देइयै आखेआ जे पर्यावरण दा संरक्षण बढ़ा महा महत्वपूर्ण ऐ ते एहदे कन्नें सभ्बनें दी ते औने आहली पीढ़िएं दी भलाई-बेहतरी जुड़ी दी ऐ। कमेटी नै पर्यावरण गी होए दे नुकसान दा आंकलन करने ते लोकें च जागरूकता पैदा करने दी जरूरता पर जोर पाया।

<><><><><><>